



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Enchiridion Theologiæ Pastoralis Et Doctrinæ Necessariæ  
Sacerdotibvs Cvram Animarum administrantibus**

**Binsfeld, Peter**

**Avgvstæ Trevivorvm, 1609**

7. Cap. De Residentia annexa quibusdam beneficijs.

**urn:nbn:de:hbz:466:1-40721**

*Octava Conclusio.* Simoniacus in ordine, est ipso iure etiam suspensus, ex Extrauag. 2. de Simonia. & cap. Tanta. eod. tit.

*Nona Conclusio.* Simoniacus, quando iudicaliter constiterit, incurrit infamiam, & punitur depositione, cap. Inquisitionis, de accusationibus, & 5. quæst. 1. cap. Sanè.

*Decima Conclusio.* Omnis Simoniæ cum deliberatione commissæ, pœna est ignis inferni, nisi quis digna pœnitentia eam purgauerit : Quia omnis talis Simonia est peccatum mortale. De alijs legantur DD. citati in suis locis.

---

## CAPVT VII.

### DE RESIDENTIA, QVÆ annexa est quibusdam be- neficijs.

**R**E SIDENTIA nihil est aliud, quam personale ministerium in loco debito, sic residere dicitur in Ecclesia, qui ei debitam seruitutem præstat per se.

Pro intelligentia notandum, quod omnia beneficia non sunt eiusdem naturæ. Quædam de iure, consuetudine, aut fundatione requirunt residentiam : Quædam non,

Mm 4 sed

sed tantum certas missas in septimana: quas quis vel per se, vel per alium implere potest. Deinde inter ea, quæ residentiam requirunt, alia habent iurisdictionem & curam animarū adiunctam; vt Episcopatus, & Decanatus, Abbatia, Cura pastoralis, &c. Alia non habent huiusmodi annexa; vt canonicatus, præbenda, &c.

*Prima Conclusio.* Episcopus iure diuino tenetur ad residentiam in suo Episcopatu. Hanc conclusionem copiosè probant contra Ambrosium Catharinum Reuerendissimus ac illustrissimus Dominus Bartholomaeus Caranza Ordinis S. Dominici Archiepiscopus Tolitanus in libello de Residētia Episcoporum, ad Concilium Tridentinum. Dominicus Sotus in fine libri de natura & gratia, ad idem Concilium, & latè libr. 10. de iustitia & iure. quæst. 3. artic. 1. Caietan. 2. 2. quæst. 185. artic. 5. Ioannes Driedo de libertate Christiana, Didac. libr. 3. variarum Resolut. capit. 13. numer. 9. & alij alibi. & Concil. Trident. sess. 23. capit. 1. Probatur Conclusio ex eis, quæ sacræ literæ Episcopis tribuunt. Dicuntur Pastores, Superintendentes, Speculatores, Magistri, Rectores, Doctores, Lux, &c. quæ omnia denotant munia & officia præsentium: Quare etiā Christus in Euangeliō distinguit inter bonum Pastorem & mercenarium, de qua re legendū apud Ezechiēlem c. 34. & August. in libr. de

pasto-

pastore & ouibus. Hinc infertur à DD. qui-  
busdam, quod Episcopus Cardinalis non po-  
terit ratione Cardinalatus abesse à suo Epis-  
copatu, & in curia residere: & Concilium Tri-  
dent. loc. cit. id planè confirmat. Super qua re  
doctissimè in concione coram fœlicis memo-  
riæ Pio Quinto in confessu aliquorum Cardi-  
nalium, differentem magno cum feroore, au-  
diui Doctissimum & Pijssimum Franciscum  
Toletum Doctorem Theologum Societatis  
Iesu, postea Illustrissimum & Reuerend. Car-  
dinalem Romanæ Ecclesiæ, cuius anima nunc  
requiescit, vt optimè speramus, in pace: Neq;  
etiam poterit abesse Episcopus à sua Ecclesia,  
quia prærex, aut alicui regi in seculari guber-  
natione præst: Quia gubernatio temporalis  
non est spirituali præferenda, cum potestas  
spiritualis temporali dignior, præstantior, &  
superior sit. Qua in re grauissimè multi Eccle- *Vide Con-*  
*fiarum prælati & primates peccant, lynceos cil. Triden.*  
oculos habentes ad temporalia, talpis cæcio-  
res in spiritualibus, hoc velamine vtētes, quod  
non solum sint Episcopi, Abbates, aut etiam  
prælati Ecclesiæ, sed etiam Principes, Duces,  
aut Comites, sed hoc ab eis considerandum,  
quod dignius trahat ad se indignius. Iuxta  
textum, Glossam & DD. in c. Quod in dubijs,  
de consecrat. Ecclesiæ & altaris. Dignius au-  
tem est spirituale: Quare si talis Episcopus,  
Abbas, aut Primas ob negligentiam animarū

Mm 5 ibit

532 DE IVST. ET INIVSTITIA  
ibit ad infernum , trahet secum Principem,  
Ducem , aut Comitem.

*Secunda Conclusio.* Potest tamen Episcopus  
a suo grege abesse , quando Christiana chari-  
tas , vrgens necessitas , debita obedientia , &  
uidens Ecclesiæ , & Reipub. utilitas abesse po-  
stulant : tunc causæ absentiæ approbandæ sunt  
à Romano Pontifice : aut à Metropolitano , vel  
eo absente , suffraganeo Episcopo antiquiore ;  
nisi cum absentia inciderit propter aliquod  
munus : & Reipubl. officium Episcopatibus  
adiunctum : Concil. Tridentin. s. f. 23. cap. i. de  
Reformat.

*Tertia Conclusio.* Habens beneficium cura-  
rum inferius Episcopatu , non solum positio-  
ne , sed etiam diuino iure tenetur residere.  
Hanc conclusionem quantum ad id quod de  
iure diuino sit residentia , probant DD. prime  
conclusionis , & ei , quæ ex sacris literis Pasto-  
ribus tribuuntur . Quantum ad ius positivum  
clarum est ex multis can. in titul. de cleric. non  
resident. & Concil. Trident. Vnde cap. Quia  
nonnulli. eod. tit. mandatur quod Ecclesia  
non conferatur nisi illi , qui residere & regere  
valcat per seipsum : Alias perdit Ecclesiam , &  
donans conferendi potestate priuatur . Quan-  
do autem Ecclesia parochialis est annexa digni-  
tati , debet regi per idoneum & perpetuum  
vicarium.

*Quarta Conclusio.* Clerici non residentes in  
bene-



beneficijs curam animarum habentibus, præter peccatum mortale, quod incurunt, pro rata temporis absentia, tenentur ad restitutio nem omnium fructuum perceptorum, etiam nulla declaratione alia secuta, nec tuta conscientia possunt sibi retinere; sed debent restituere Fabricæ Ecclesiæ: vel pauperibus loci, & incident in alias pœnas contra non residentes statutas, Concil. Trident. loc. citat. Quare si quis non residet in curato beneficio, non solum potest contra eum agi super priuatione beneficij, sed etiam restituzione fructuum. Quando autem ob causam per Episcopum cognitam, & in scriptis licentiam datam curatus abest, ultra bimestre talis licentia non concedenda, nisi ex graui causa.

*Quinta Conclusio.* Omne beneficium, quod habet fructus sufficietes ad sustentationem honestam, requirit residentiam de iure communis. cap. Conquerente de clericis non resid. & communis sententia ibidem.

*Sexta Conclusio.* In aliquibus casibus clericus excusat à residentia, & in absentia percipit fructus. *Primus*, Quando est in seruicio Papæ. capit. Cum dilectus. de clericis non resident. *Secundus*, Duo canonici existentes in seruicio Episcopi, si occupentur in utilitatem Ecclesiæ. cap. Ad audientiam. cap. *Dilectus*. & cap. De cætero. Hos nos facellanos Episcopi nominamus in collegijs: & aduer-

tens

tendum, quod nisi sint in seruitio Episcopi  
pro vtilitate Ecclesiae, in conscientia non ga-  
dent tali priuilegio de fructibus in absentia  
percipiendis, quicquid hic mundus sentiat.  
Quare, ut bene Gabriel in 4. dist. 15. q. 8. art. 3.  
annotat, reproba patet consuetudo, vel statu-  
tum in quibusdam Ecclesijs, quod Episcopus  
duos ex canoniceis eximat tanquam suo serui-  
tio deputans, qui nec sibi seruiunt, nec com-  
morantur, & tamen redditus beneficiorum  
percipiunt tanquam praesentes, prater quo-  
dianas distributiones. Quibus addimus, quod  
nulla ratione sit talis consuetudo tolerabilis,  
quando in alienis Episcopatibus tales facella-  
ni resident, ex rationibus, quae ex canonibus  
manifestae sunt.

*Tertius*, Quando aliquis absens est pro vtili-  
tate Ecclesiae; tum enim praesens censetur, ca-  
ex parte. eod. tit.

*Quartus*, Quando quis studet Theologiz;  
aut iuri canonico ad quinquennium in aliqua  
vniuersitate. Eadem est ratio, quando aliquis  
in aliqua vniuersitate dictas facultates legit.  
capit. final. de Magistris & DD. ibidem. Hoc  
priuilegium non habet locum in alijs scien-  
tijs, nisi aliud consuetudo obtineat: Si autem  
aliquis vagetur, & non det operam literis, in  
nullo relevatur hoc priuilegio.

*Quintus*, Dum aliquis legitimam habet li-  
centiam, ab habente potestatem, & ex iulta  
causa,

causa, quæ in scriptis in beneficijs curatis habenda, ex Concilio Trident. loc. cit. Super nō residentia in perpetuum, solus Pontifex dispensat. Gloss. cum text. in canon. Licet canon. de elect. in 6. Panormit. in repetitione, capit. Exirpandæ. §. qui vero. num. 2. de præbend.

**Sextus,** Quando est consuetudo honesta ex causa introducta, nec Ecclesiæ debitum obsequium detrahitur. Innocent. in cap. Tuæ. de cler. non resid. Panorm. in cap. Inter quatuor, ibidem, & alijs communiter.

Tandem notandum ex cap. Cum ad hoc. Panorm. ibidem & alijs alibi, quod quando huiusmodi priuilegia, consuetudines, aut dispensationes, aut licentiæ, etiam si essent à Pontifice concessæ, inducunt damnum Ecclesiæ, reuocâtur, quamvis prius fuissent in eius utilitatem. Et quando cessant esse in utilitatem & commodum Ecclesiæ, fruens eis non est tutus in foro conscientiæ, quicquid sit apud homines, penes quos hoc misero Ecclesiæ statu, non raro quodlibet licet: Ex quibus infertur, quod quando in aliqua Ecclesia collegiata tot canonici abeſſent, ut præſentes non ſufficerent ad explendum diuinum opus, poſſunt abſentes citari ad residentiam, & quod ſi non comparuerint, elapſo canonico termino beneficijs priuari: Quia quæ pro utilitate Ecclesiæ & augmento cultus diuini instituta ſunt, contra Ecclesiam militare non debent.

Septimæ

*Septima Conclusio.* Clericus non residens quando ignoratur, ubi sit, citandus est in viuis sue Ecclesiæ tribus edictis per intervalum, & si tunc infra sex menses non redierit, aut causas in iure efficaces absentia dederit, priuatur beneficio. capit. Ex parte. cap. Qua- liter. capit. Inter quatuor. & cap. Extus de uotionis. de cleric. non resident. & Concil. Tridentin.

*Octava Conclusio.* Quando quis in casibus iure permisso, percipit fructus principales, siue ut vocant corpus præbendæ, in absentia, non recipit quotidianas distributiones, etiamsi consuetudo sit in contrarium, quæ ad hoc nulli suffragatur, ex constitutione Bonifacij Octauij, capit. Vnico de cleric. non residente in 6. quam renouat Concilium Tridentin. sess. 24. capit. 12. de reformat. sublatis quibuscumque statutis & consuetudinibus in contrarium. Vnde etiam colligitur, quod non valet consuetudo, & irrationalis sit, qua receptum est in quibusdam Ecclesijs, quod præfens in Ecclesia tempore missæ animarum, lucrifaciatur etiam distributiones matutinarum quibus non interfuit, siue dormiuit, aut si summo sacro intersit, lucrifaciatur distributiones vesperarum, et si vesperis non intersit quacunque ex causa. Talis enim consuetudo fatis reicitur in d. constitut. Bonifacij, & doctrina commentatorum in eand. constit. Nec statu-

tain

tain contrarium valent. vt ex Concil. Trid. loco cit. patet. Pro hoc est Gloss. pragmaticæ in tit. Quo tempore debeat quis esse in choro. §. Tollens prorsus, super verb. usurpat.

*Nona Conclusio.* Quotidianæ distributiones debent dari infirmis, qui ob infirmitatem; aut corporale impedimentum diuinis interesse non possunt. Quia dicta constitutio hos excipit, & communis sententia approbat: De qua re vide ad longum Didac. Couarr. libr. 3. variarum resolution. capit. 13. Hæc tamen Conclusio secundum Doctores intelligenda, quando ægritudo est causa vera absentiæ, cum is scilicet, qui ægrotat solitus est tempore bonæ valetutinis interesse diuinis: Quod si verò non consuevit sanus, aliquibus officijs, exempli gratia, matutinis interesse ne rumpat somnum, ægrotus non percipiet distributiones matutinales. Panormitan. & Ioan. Andræas in capit. Ad audienciam. eodem tit. Dominicus & Francus in d. capit. vnicō. Couarr. loco citat. Nauarr. in tractat. de orat. & horis canonicijs, capit. 11. numer. 10. & sic tenent omnes, attestante Felino in ca. Apostolicæ. de except. Quod autem in multis locis, statutis cauetur; aut consuetudine obseruatur, vt quam primum ædes quis egreditur, priuetur distributionibus ægrotus, hoc sane intelligendum. Quia potest quis in tantum esse sanus, vt exem. grat. die Dominicō

nico possit priuatim in Ecclesia audire mis-  
sam, ad quam ex præcepto tenetur, qui tamen  
non ita sit confirmatus, ut diuinis officijs Ec-  
clesiaſticis possit sine periculo valetudinis in-  
teresse. Item possit quis fortasse perdurare in  
missa, & non in alijs officijs: Nam qui tenetur  
ad faciendum aliquid, si non potest facere to-  
tum, vel eo modo, quo iubetur, tenetur face-  
re partem, quam potest: aut totum eō modo,  
quo potest, iuxta doctrinam Innocentij III.  
capit. Cum dilectus, de dolo & contumacia;  
**Quando** respondet citatum ad certum diem  
teneri ad comparendum post illum: quām ci-  
tò commodè potest: Et præceptum Ecclesie,  
cum non potest adimpleri totum, adimplen-  
dum est pro parte, quæ potest. Caietan. 2. 2. q.  
147. artic. 7. & Nauarr. loco citat. & in Ma-  
nuali Confessar. cap. 21. numer. 22. Eadem ra-  
tione contingere potest, antequam quis vale-  
tudine confirmetur, vt ex præscripto medici;  
debeat parum ambulare ad irritandum appe-  
titum, aut captandum recentem aërem. In ta-  
libus casibus rationabiliter non potest priua-  
ri quotidianis distributionibus. Intelligenda  
ergò prædicta statuta, vt iuri & rationi sunt  
congrua, quando quis egreditur ædes ad va-  
gandum, & non corporis valetudinis causa:  
aut egreditur ad tractanda negotia: que con-  
sideratis circumstantijs sanitatem significant.

**Decima Conclusio.** Absens à loco beneficij  
tem.

tempore pestis , licet principalis fructus perciptiat in absentia, non tamen habebit quotidianas distributiones, nisi consuetudine obtentum sit, ut absenti ex iusta causa dentur. Franciscus à Ripa in tractat. de peste. 2. part. numer. 145. & Didac. Couarr. loc. cit. numer. 8. Alia tamen est ratio, quando quis in loco beneficij residet: & propter infectionem suarum ædium impeditur, quod diuinis commode interesse non possit. Ex hac conclusione etiam iudicium sumi potest, an quotidianæ distributiones dandæ ei qui ob seditiones absq; sua culpa à ciuitate pellitur. Tali enim debentur distributiones secundum Calder. in consil. 17. de præbend. & post alios Couarr. quando consuetudine receptum est, quod absentiibus ex iusta causa dentur.

*Vndecima Conclusio.* Quando quis absens est, & occupatur in negotijs Ecclesiæ suæ, pro eius vtilitate percipit quotidianas distributiones: in hac re non est dubium.

*Duodecima Conclusio.* Si alicubi consuetudine obtentum est, ut canonicus quotidianas distributiones percipiat, si initio diuinorum, aut horarū, diuinis intersit, licet statim egrediatur, aut est iniqua consuetudo: aut ita interpretanda, quando quis ab officio discesserit, ex causa, quæ honestam iudicat occupationē, ita quidem, ut non ad otium, aut fabulas in templo, aut extra diuertat, ut deducitur ex ra-

Nn tione

540 DE IVST. ET INVSTITIA  
tione textus in d. capit. vnicō. Paludan. in 4. d.  
15. quæst. 5. conclus. 9. Didac. loc. citat. versic.  
Decimotertio illud est omnino; unde qui vi-  
gore huiusmodi cōsuetudinis, aut statuti per-  
cipit, non est securus in conscientia.

*Decimatertia Conclusio.* Ad lucrandū distributiones quotidianas nō sufficit, vt quis pra-  
fens sit quocunque modo in Choro, sed re-  
quiritur, vt in Choro, vbi illæ lucrifunt di-  
cantur canendo cum alijs, & communican-  
do in recitatione: Probatur in primis, distri-  
butiones non dant solum eo, quod dicuntur,  
vel canuntur horæ, sed quia dicuntur  
cum alijs in Choro, vel alia parte Ecclesie,  
vbi & quemadmodum statutum est: vt non  
solum ex canonibus, & Concilio Tridentino,  
sed etiam statutis multarū Ecclesiarum con-  
stat. Finis enim institutionis distributionum  
quotidianarum est, vt augeatur numerus per-  
sonarum canentium, & Deum laudantium  
in publicis & solemnibus, diuinis officijs.  
Quando autem datur aliquid cum conditio-  
ne aut pacto, non transfertur dominium,  
conditione non secuta, aut pacto non serua-  
to, C. de condit. ob causam datorum, & fi-  
de condit. causa data non secuta, & confir-  
matur fortius ex Concil. Basiliensi sess. 21. in-  
tit. Quomodo diuinum officium sit celebra-  
dum: quod recipitur & inseritur in pragma-  
tica sanctione, eodem titul. his verbis. Et cum  
psal-

psallendi gratia ibi conueniat, muta, aut clausa labia tenere non debent, sed omnes præser-tim, qui maiore funguntur honore in Psal-mis, hymnis, & canticis, Deo alacriter mo-dulentur: super verbo Psallendi; addit bene Cosmas super pragmatica sanctione, alta vo-ce. Ad idem facit dictum Concilium paulo infra; dum ait, Ne in ibidein dum horæ in communi cantantur, legat, vel dicat priua-tim officium, nam non solum obsequium, quo obnoxius est, chorò subtrahit, sed ali-os psallentes perturbat. In verbo Subtrahit, addit Cosmas, peccat ergo, & furtum com-mittit, cum utatur lingua sua ad aliud, quām ad quod tenetur, contra Dei & Ecclesiæ voluntatem. Ad idem facit illud Hierony-mi ibidem citatum. Ingratum est spiritui sancto quicquid obtuleris, neglecto eo, ad quod teneris. Deinde probatur conclusio ex illa regula iuridica vulgata. Illegitimè facta pro infectis habentur, & nullius sunt momenti, & non sunt in consideratione; & paria sunt non facere, & minus legitimè fa-cere, l. quotiens. ff. Qui satis dare cogantur. ff. de re iudicata, l. 4. §. Condemnandum, l. pacta, quæ contra, C. de pactis, & capit. Quæ contra, de regulis iuris in 6. Non enim refert an aliquid non fiat, vel minus bene fiat. Qui ergo in cantu & laude Dei, cum alijs non communicat in choro, non commū-

N n 2 hica

nicabit etiam in emolumento dato in illum  
finem, secundum Concilia & rectam ratione.  
**Quomodo** autē qui priuatim in Ecclesia offi-  
cium recitat, cum alijs communicat, qui for-  
tasse quando alij canunt lectiones & respon-  
soria, ipse legit Benedictus aut Te Deum lau-  
damus; aut quando chorus psallit Benedictus,  
ipse recitat primas: aut orationes præparato-  
rias ad missam. Quæ omnia non sunt secun-  
dum Ecclesiæ voluntatem & institutum, ut  
cuius sapienti notum est. Dictam conclusio-  
nem tradunt Caietanus in respons. 8. libr. 17.  
responsionum, & Nauarr. in tract. de oratione  
& horis canonicas. capit. 10. num. 47. & capit.  
11. num. 42. Sotus libr. 10. de iustitia & iure.  
quæst. 5. artic. 4. circa medium. Ad idem facit  
**Concilium Tridentin.** session. 24. capit. 12. de  
Reformat. dum vult quod canonici in choro  
ad psallendum instituto, hymnis, & canticis  
Dei nomen reuerenter, distinctè deuoteque  
laudent. Facit ad idem propositum Pius V. in  
Extravag. quam ponit Nauarr. in Manuali  
**Confess.** cap. 25. num. 122. ubi Pontifex cum  
decreuisset non recitantes horas non lucifa-  
cere fructus suos, nec distributiones, sequen-  
tia verba subiungit: Tametsi aliquis choro  
addictus, non recitans, omnibus horis cano-  
nicis cum alijs præfens adsit, fructusque & di-  
stributiones aliter assignatas sola præsentia  
iuxta statuta, consuetudinem, vel alias sibi lu-  
cri-

erifecisse prætendat. Caietanus tamen in summa verb. Horæ canonicæ, cum formidine putat, si alicubi sit consuetudo, quod prælati & maiores chori, suum versum priuatim dicant, & alia à minoribus cantata meditentur, quod tales excusentur: sed in hoc ei nemo suffragatur, imò ipse in loco citato contrarium docuit: Ex dictis infero efficaciter, cum Nauarr. in dict. tract. de oratione. capit. 9. numero 4. & 5. Eum, qui aliqua notabili parte alicuius horæ obdormit in choro, non lucrifecisse plus distributiones quotidianas illius horæ, aut officij, quam si ei non interfueret: nec etiam satisfacere præcepto de recitandis horis. Rationibus prædictis motus dico, etiam secundum doctrinam Dominici Soti de iustitia & Iure. libr. 10. quæst. 3. art. 1. non longè à fine, residere in Ecclesia propria, aut beneficio segniter & oscitantem, quandoque peius esse quām nō residere. Residentia Episcoporum & curatorum iure diuino indicta est pro salute animatum, & cura populi, ut patet ex officijs & muniberis angelicis, quæ si non præfent, ad quid terram occupant, & de lacte ouium vivunt; Qui enim altari inseruit, de altari viuet, & participabit, iuxta Apostolicam doctrinam, *1. Cor. 9.* ergò à contrario sensu, qui altari & Ecclesiæ non inseruit, aut malè inseruit cum scandalis, ut multi faciunt, non participabit de altari. Quia secundum dictam regulam, aliquid m-

Nn 3 lè siue

544 DE IVST. ET INIVSTITIA  
Iē siue illegitimē facere , & non facere paria  
sunt. Ad extremum , ne quis fortē existimet  
canones contra non residentes statutos in vīa  
non esse , eos omnes Concilium Tridentinū  
innouauit. Nunc præsupposita residentia , cū  
certissimum sit omnes clericos etiam iusta &  
legitima causa à residentia excusatos , teneri  
ad dicendas horas ab Ecclesia statutas , de ho-  
ris canoniciis agendum est.

---

## CAPVT VIII.

### DE HORIS CANONICIS.

DE hac materia legendi Dominicus So-  
tus libr. 10. de iustitia & iure. q. 5. Ioan-  
nes Medina in Cod. de pœnitentia tract. 6. de  
oratione. Martinus Nauarr. omnium longi-  
simē & doctissimē in tractatu de oratione , &  
horis canoniciis. Summistæ in verb. Horæ ca-  
nonicæ.

*Quid nomi* : In primis cognoscendum , nomine hora-  
ne horarū intelligitur officium diuinū certotem-  
pore , vocaliter , ex Ecclesiastica institutione,  
rum intel- persoluendum , ab Ecclesiasticis personis.  
*ligatur.*

Dicuntur horæ canoniciæ quasi regulares ,  
quia regulariter à sanctis patribus obseruatae ,  
capit. Quod in re. de pœnitentijs & remissio-  
nibus.

*Prima Conclusio.* Septenarius numerus ho-  
rarum